



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Divi Bambergenses S. Henricvs Imperator S. Kvnegvndis  
Imperatrix S. Otho Episcopvs**

**Gretser, Jacob**

**Ingolstadii, 1611**

VIII. De periculo Clericorum in eadem ciuitate, & de vno ad templum  
confugiente.

**urn:nbn:de:hbz:466:1-41527**

*Populo iam cō-*  
*citato admi-*  
*scet se ipsem et*  
*impostor.*

tate. Postremò, ac si nescius omnium, aduenit Sacerdos, indi-  
gnationem primò simulans, quasi de mendacio, deinde atten-  
tius audire, & obtestari, ceperit hominem, vt vera tantum nar-  
rans, nullo figmento populum solicitaret. At ille, vt erat rusti-  
canæ simplicitatis, manus tendere, oculos ad cælum leuare,  
magnisq; iuramentis & forti protestatione rem ita se habere  
asserens, etiam locum ipsius apparitionis se ostensurum polli-  
cketur. Tunc Sacerdos conuersus ad populum, vanè suspirans:  
En hoc est, inquit, quod toto anno dicebam. Quid nobis cum  
alieno Deo? quid nobis cum religione Christianorum? Iuste  
mouetur & irascitur Deus noster, si post omnia beneficia eius  
stulti & ingratii ad alium conuertimur. Sed ne iratus occidat  
nos, illis irascamur, & occidamus eos, qui nos seducere veniunt.

*Populum in il-*  
*lusione confir-*  
*mat.*

*psalm.63.*  
*Decreta con-*  
*tra S. Othonem*  
*& comites.*

Quod dictum cùm placuisset omnibus, firmauerunt de-  
cretum, vt, si Otto Episcopus, vel quispiam de societate eius  
ciuitatem intraret, sine mora occideretur. Item, firmauerunt filii  
sermonem, nequam scilicet, vt si nocte vel clam intrantes quisquā  
tecto recipero, simili sententiæ subiaceret. Et hæc agentes,  
multis opprobriis, & verborum iniuriis religionem nostram  
blasphemantes deridebant.

### De periculo Clericorum in eadem ciuitate, & de uno ad templum fugiente.

#### CAPVT OCTAVVM.

*Sefridus.*

*Populus cōtra*  
*comites S. Otho-*  
*nis cōgregatur.*



Taque urbem ingressus. Duce fideliter ac strenuè  
ad omnia cooperante, semen sparsit Euangeli, &  
dura incredulorum corda placidæ prædicationis  
vngueto paulatim detumescere faciebat. Interea  
quidam de sociis nostris, Vdalricum & Albinum de latibulis  
suis emergentes, & iunctos nobis timore suum referentes de-  
riserunt, & quasi eis insultantes securius se habere cœperunt,  
& longius à suis digressi, fana etiam idolorum, Episcopo ser-  
monem exhortationis protrahente, speculatum vagabantur.

Verū quidam maligni homines, apud quos radix paga-  
nismi adhuc valentius vigebat: En, inquiunt, isti explorant quo-

quomodo templa nostra incédat; & congregantes se in platea, etiam arma portare & fustes cœperunt; & qua transituri vi-debamur, nobis obuiam stare. Vdalricus autem intuens illos eminus & subsistens; non aduertitis, inquit, hos non sine causa conuenire. Nam & turbulenter se habent; & arma habent omnes: & prioris periculi recordans: Nolo, inquit, toties tentare Deum meum: & conuersus illò, ubi Episcopum dimiserat, redire cœpit; aliis omnibus eum sequentibus, præter clericum quendam, nomine Theodoricum; qui longius ante illos progressus, iam fores delubri tenebat.

Videntes autem pagani, qui conuenerant, illos arrepta via reuersos, persequi quidem eos non audebāt; sed ad illum Clericum interficiendum omnes accurrunt. Quo viso, ille aliud, quò declinaret, non habens, fanum ipsum audacter, quamuis exterritus, intravit. Erat autem illuc clypeus pendens in parte miræ magnitudinis, operoso artificio, auri laminis obte-nus, quem contingere nulli mortalium liceret, eo quod esset illis nescio quid in hoc sacrosanctum, ac paganæ religionis auspicium, in tantū, ut nunquam, nisi belli solummodo tempore, à loco suo moueri deberet. Nam ut postea cōperimus, Deo suo \* Gerouito, qui lingua Latina Mars dicitur, erat consecratus, & in omni prælio vñctores sese, hoc prævio, confidebant.

Clericus autem vir acris ingenij, dum metu mortis in tem-plo hue illucq; diffugeret, telum aliquod vel latibulum quætitans, clypeum corripuit, & amento collo injecto, leuaq; lo-ris inserta, in medium turbæ furentis è ianua profiliit. Rustici vero prodigialem armaturam videntes, partim in fugam conuersti, partim etiam quasi exanimes facti in terram cadunt. Ille autem projecto clypeo versus hospitiū ad socios currere cœpit, & pedibus timor addidit alas. Cumque anhelans & pauidus ad suos peruenisset, de ipsa huius trepidatione, & eorum, qui præmissi fuerāt, triduana occultatione, apud omnes, præcipue verò apud Episcopum & Ducem, tota nocte illa, iucunda erat narratio. Monuitamen pius Pater filios suos, & discipulos, proper insidias latētis inimici, ut se circumspetè age-sant. Tam diu ergò mansit in loco illo disputans ac suadens de regno.

regno Dei, quousque omnis populus fidei Sacraenta suscipiens, fana sua destrueret, & Ecclesiae sanctuarium cum altari prepararet. Quod Episcopus consecratus Ioannem Presbiterum eis ordinavit, & ut reliquam Basilicæ fabricam post suum discessum promouerent, admonuit.

### Delegatis Marchionis Adalberti de Saxonia.

#### C A P V T N O N V M.

*Sefidus.  
Edit. Canis.  
lib. 3. cap. 8.  
Curia Marchio-  
nis Adalberti  
pro S. Othono.*



Vm ea gerebantur, legati Marchionis Adalberti de Saxonia superuenere opera & statum Episcopi studiosè inquirentes. Marchio enim cùm esset amicus valde & familiaris Episcopo, in gente barbarâ hunc periclitari metuebat. Vnde, si opus haberet, praedium ei, & opem ferre cupiebat. Affuere simul ipsius Episcopi Oeconomi, & procuratorum nuncij, aurum, argentum, vestes quoque & alia necessaria ei deferentes. Ut enim supra dictum est, licet Euangelium annuncians de Euangeliô viuere deberet, ipse nihil horum vti volens, suis se tantum yisibus transigebat. Igitur legatos omnes apud se ibi tamdiu detinuit, quo usque videndo & audiendo discerent, quid de ipsius operibus aut statu referre deberent.

Porrò baptizatis omnibus tam viris quam mulieribus totius ciuitatis, ad dedicationem altaris ac sanctuarij iam surgentis Basilicæ, multa exultatione populi, deuotus Praeful accingitur, omni studio & diligentia ipsi facto decorem, & reverentiam procurans, quatenus de amissione prioris fani, vel celebritatis minimè dolerent melioris solennitatis tripudio, & melioris fabricæ ornamento consolati.



De